


[www.BibleForChildren.org](http://www.BibleForChildren.org)


June 14



Ari za gua vei i Jisu, <<Muke vatakulangaria na bulomiu gamu. Mu vazozotoa na Tamaza beto mu vazozotoziu ara. Pa ruma tana Tamaqu za zoku jola ria na ia suvesuverena.>>




<<Vei bike zozoto za bake pojadigamu na veveina ara  
ani, goto ara za koviria za ma lao vatana vadigamu  
maka ia za gamu. Ko pa liguna tu mana lao vatana  
vadigamu za maka ia aza, za beto mana mule lame ko  
mana toka laodigamu ketakoi qa suvere, ko ketakoi qa  
suvere ara za gamu  
ba muna suvere  
tugu.>>



Ara Jone, ara na taimiu qa tutia i Jisu ko qa  
somana vitigi tavitigamu pana binangara tana  
Tamaza beto qa turu vangaju. Qa taloi


pale pa nuza pa Patimosi  
ara, ura qa



vatavatarangeni ara  
za na paranga tana  
Tamaza beto na  
ululena i Jisu  
Karisito.




Pana totozo tugu aza za qa taaru tamana pana Ongu  
Tabuna ara, ko totonai za qa batia ara pa noka za  
maka nyumunyumuna bangara, maka tinoni za korapa  
nyumu nana ketakoi.




Beto pa liguna aza qa nongoria ara za na mamalaingidi  
doru vinapodaka pa noka, pa pezo, pa kauru pezo,  
pa kolo, beto ko dorudi qari kole pa  
doru kota, za qari kera vei ari:


<<Tana za nyumu pana  
nyumunyumuna bangara beto tana  
lami mari lao za na paranga leana,  
na vinalavata,  
na vinatarazae,  
beto na neqi  
kamua na  
kamua!>> qari  
gua.




Beto qa batia za na guguzu madina, aza na  
Jerusalema koregana, za korapa votu lagere vei tana  
Tamaza pa noka. Ko za tori tavasari vatanana tu, ko za  
batabata lea jola vei na reko za tavatana ko mina  
elavia za na marene mina tekua.




Qa nongoria mule za maka mamalaingi lavata za lame  
vei pana nyumunyumuna bangara, ari za gua vei,  
<<Vainongoro, na suvesuverena tana Tamaza za kole  
tavitiria ria na tinoni! Ko aza mina suvere tavitiria beto  
ria za mari nana tinoni aza. Na Tamaza makana mina  
suvere  
tavitiria ko  
mina dia  
Tamaza.>>



Beto za vabatiniziu tugu na mateana za na pie varivatoana, za lioso valeleana, za nyoro lagere vei pana nyumunyumuna bangara tana Tamaza beto na lami, ko za nyoro gore vei pa korapana na zona lavata pa guguzu lavata.



Na guguzu aza zake kilu izongia na tapo babi na popu ko bari vakaberia za na guguzu, ura na malakapina na Tamaza za kabere pa varilivutaina beto na lami za na juke tana guguzu aza.



Goto minake izongo  
tavaluge lao pana  
guguzu aza za maka  
zakazava pajina, babi  
aza za roroitidi na roiti  
varivakeadi beto za  
sekeseke. Ba ria gu za  
takuti na izongodi  
pana Buka Toa tana  
lami za mari luge pana  
guguzu aza.




<<Mina nyunyu paledi na oni kolo matadi. Na uke mina kepore za totonai, beto vei tugu na takulanga, na lukana, beto na vitigi. Ura na zakaza leludi za qari tori murimuri tu,>> za gua.




Kepore maka za taleve pana tana Tamaza za mina kole pa guguzu aza, goto na nyumunyumuna bangara beto na lami gu za pana ia aza beto ria nana nabulu za mari vatarazaea. Pala mari batia na izumatana aza, beto mina takuti pana readi za na izongona aza.




Beto qa batiria qari tori uke tu, na pekidi na lavatadi, qari kole turu pa moena na nyumunyumuna bangara. Qari tavioto revanga ria na buka, beto za tavioto revanga mule za maka aza na buka za kolea nizongodi ria qari tekua na toa. Ko qari tatuti ria qari tori uke tu, pana okokotona na dia roiti qari roitidi, vei qari takuti pana buka ria. Ko ria doru zake takuti na izongodi pana Buka Toa, za qari tagona lao pa leo ovuku iku.



Na Ongongu beto na maqotana na lami za qari  
paranga lao ti Jisu, <<Mu lame,>> qari gua. Beto ko  
aza za nongoria na paranga ani ba mi paranga vei  
tugu, <<Mu lame,>> mi gua.



Ko gamu doru gamu kidepe, za mu lame. Aza za  
nyorogua za mi tekua za na kolo varivatoana za  
kepore na vaina.



Ura pa zona vei ani za roquroqua  
na Tamaza za na kasia guguzu: za  
valamea aza za na Tuna makai, ko  
ria doru mari rangea aza za marike  
uke manyao goto mari tekua na  
toa jola.



Romu 3:23 ura ria doru tinoni za qari sela beto gu ko qarike kamua za na pada ululuna za vakolea na Tamaza.

Romu 6:23 Ura na tabarana na sela za na uke tugu, ba na varivana tana Tamaza za na toa jola aza taqe izongia gita tonai taqe kole maka tavitia i Jisu Karisito na nada Bangara.

Giburu 9:27 Doru tinoni za mari uke maka totozo gu, beto pa liguna aza za mari gozoroni varituti tana Tamaza ria za na dia sela.



Episasi 2:8,9 Pana nana variroqu varialo gu za alogamu na Tamaza za gamu tonai gamu rangea na Tamaza. Ko na inaalo gamu tekua za nake vuana na miu podepodeke leadi, goto na varivana gu tana Tamaza. Zake koko lame vei pana roiti leadi tadigamu ani, ko kepore maka tinoni mina paraparanga vatarazae muleni makana.

Romu 10:9,10 Ko vei muna ule votuni pa beruberumu za na Bangara i Jisu muna gua beto vei muna vazozotoa pa bulomu za na Tamaza za vaturu mulea pana uke aza, nari za pala muna taalo ao. Na tinoni za vazozotoa pa bulona na Tamaza za vaturu mulea pana uke i Jisu za tavatuvizi pa moena na Tamaza aza, beto ko na tinoni za ule votuni za na Bangara i Jisu za gua za za taalo.



Jone 3:16,17 Ura pa zona vei ani za roquroqua na Tamaza za na kasia guguzu: za valamea aza za na Tuna makai, ko ria doru mari rangea aza za marike uke manyao goto mari tekua na toa jola. Ura na Tamaza zake garunu valageria pa kasia guguzu za na tuna ko mi pitua aza za na kasia guguzu zake guni, goto za garunu lagereni ko mi aloa tu aza za na kasia guguzu za gua.

1 Jone 5:11-13 Ko ani na vavakato aza: na Tamaza za tori vadigita tu na toa jola, ko na toa ani za kole tana Tuna. Na tinoni za tekua na Tuna za izongia za na toa ani, goto na tinoni zake tekua na Tuna na Tamaza za zake izongia za na toa. Dorudi ari za qa kuti laodi ara tadigamu ko gamu mu gilagila valeania za gamu izongia na toa jola za gamu za gamu vazozotoa na izongona na Tuna na Tamaza qa gua.



Jone 14; 2 Koriniti 5; Dogodogoro 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Ghanongga NT (ghn) © 2024, Islands Bible Ministries. All  
rights reserved.

<https://www.bible.com/en-GB/bible/4052/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

